

- 1) značaj programa - projekta za Grad Sarajevo, međuopćinsku ili međugradsku saradnju;
- 2) stupanj doprinosa afirmaciji Grada Sarajeva i BiH;
- 3) interes građana Grada Sarajeva;
- 4) programi - projekti koji doprinose jačanju tolerancije i razvoju demokratskog društva;
- 5) afirmacija bosanskohercegovačkog identiteta i tradicionalnih bosanskohercegovačkih vrijednosti;
- 6) značaj ponudjenog programa koji se odnosi na organizovanje stručnih skupova i rasprava na području Grada Sarajeva;
- 7) mogućnost uključivanja u internacionalne programe kojima je cilj afirmacija Grada Sarajeva, kao regionalnog, kulturnog i privrednog centra.

Član 5.

Prijedlog, odnosno inicijativa za prihvatanje Pokroviteljstva Grada Sarajeva, dostavlja se gradonačelniku Grada Sarajeva, u skladu sa članom 3. Odluke uslovima i postupku prihvatanja pokroviteljstva Grada Sarajeva.

Član 6.

- (1) Podneseni prijedlog, odnosno inicijativu, nadležna Služba procjenjuje sa stanovišta značaja za Grad Sarajevo, odnosno sa stanovišta promovisanja njegovih interesa, u skladu sa općim i posebnim kriterijima utvrđenim ovim Pravilnikom i svoje

mišljenje dostavlja Komisiji koju imenuje gradonačelnik Grada Sarajeva.

- (2) Komisija iz stava (1) ovog člana može predložiti da sredstva odobrena za realizaciju dostavljenog programa - projekta, budu uplaćena ne samo organizatorima manifestacija, nego direktno i drugim subjektima, koji su u vezi, odnosno koji su potrebni pri realizaciji konkretnog programa - projekta, u skladu sa zakonom.
- (3) Komisija iz stava (1) ovog člana, razmatra mišljenje nadležne službe i svoj prijedlog sa visinom odobrenih sredstava dostavlja gradonačelniku Grada Sarajeva.

Član 7.

Izmjene i dopune Pravilnika vrše se na način i po postupku za njegovo donošenje.

Član 8.

Donošenjem ovog Pravilnika prestaje da važi Pravilnik o kriterijima za prihvatanje Pokroviteljstva Grada Sarajeva ("Službene novine Kantona Sarajevo", broj 14/06).

Član 9.

Ovaj Pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 01-05-3221/13
18. jula 2013. godine
Sarajevo

Gradonačelnik
Grada Sarajeva
Prof. dr. Ivo Komšić, s. r.

OPĆINA CENTAR SARAJEVO

Općinski načelnik

Na osnovu člana 46. Zakona o prostornom uređenju Kantona Sarajevo ("Službene novine Kantona", broj 7/05) i člana 25. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), načelnik Općine Centar Sarajevo je dana 22.07.2013. godine, verifikovao i donio

ODLUKU

O KOREKCIJI REGULACIONOG PLANA "ZETRA" "Roditeljska kuća" u okviru kompleksa "Bolnica Jezero"

Član 1.

Usvaja se korekcija Korekcija Regulacionog plana "Zetra" (u daljem tekstu: korekcija Plana).

Član 2.

Korekcija Regulacionog plana "Zetra" vrši se u dijelu Poslovna zona "Bolnica Jezero" (G), na građevinskoj parceli označenoj kao "Z" (zdravstvo), na zemljištu označenom kao k.č. 1002/1 K.O. Sarajevo VI.

Član 3.

Korekcijom Plana definišu se građevinske linije za izgradnju poslovnog objekta "Roditeljska kuća", a u funkciji zdravstvene zaštite, prema urbanističko-tehničkim uslovima:

- Na parceli "Z" maksimalna građevinska linija planiranog poslovnog objekta iznosi 19,50 x 9,70 m. Maksimalna tlocrtna površina objekta je 190 m², a maksimalna bruto građevinska površina (BGP) objekta iznosi 950 m². Planirana spratnost objekta je suteran, prizemlje i tri sprata (S+P+3), broj podzemnih etaža nije ograničen.

Član 4.

Korekcija Plana je radena za fazu urbanizma i separat "Analitička obrada građevinskih parcela", a obaveza investitora je da za faze komunalne infrastrukture i saobraćaja izvrši usaglašavanje Korekcije Plana, te da pribavi saglasnost nadležnih javnih komunalnih preduzeća.

Član 5.

Korekcija Plana sastoji se iz tekstualnog dijela i 4 (četiri) grafička priloga:

1. Izvod iz Plana - Razmještaj, spratnost i namjena arhitektonskih objekata, R=1:2.000;
2. Korekcija Plana - Razmještaj, spratnost i namjena arhitektonskih objekata, R=1:1.000;
3. Korekcija Plana - Mreža regulacionih i građevinskih linija, R=1:1000;
4. Korekcija Plana - Analitička obrada građevinskih parcela, R=1:1000.

Član 6.

Tekstualni dio i grafički prilozi korekcije Plana su sastavni dio Regulacionog plana "Zetra" ("Službene novine Kantona Sarajevo", broj 51/12).

Član 7.

Po jedan primjerak ovjerene korekcije Plana (tekstualni i grafički prilog) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje razvoja Kantona Sarajevo, Ministarstva prostornog uređenja i zaštite okoliša Kantona Sarajevo i Gradskoj upravi Grada Sarajeva.

Član 8.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će biti objavljena u "Službenim novinama Kantona Sarajevo".

Broj 07-23-1157/13
22. jula 2013. godine
Sarajevo

Načelnik
Općine Centar
Sarajevo
Dževad Bećirević, s. r.

Napomena: Objavljeno na oglasnoj ploči dana 22.07.2013. godine